

DEKLARACIJA GRADONAČELNIKA I IZABRANIH LOKALNIH I REGIONALNIH PREDSTAVNIKA DRŽAVA ČLANICA VIJEĆA EVROPE PROTIV ANTIDŽIPSIZMA

JA, KAO GRADONAČELNIK/IZABRANI LOKALNI I REGIONALNI PREDSTAVNIK,

Uzimajući na znanje poziv Kongresa lokalnih i regionalnih vlasti i specijalnog predstavnika generalnog sekretara Vijeća Evrope za pitanje Roma svim lokalnim izabranim predstavnicima da zauzmu jasan stav protiv antidžipsizma;

Uzimajući u obzir međunarodne dokumente o ljudskim pravima koje su potpisale i/ili ratifikovale države članice Vijeća Evrope, posebno Evropsku konvenciju o ljudskim pravima (ECHR) i njene Protokole, (revidiranu) Evropsku socijalnu povelju, Okvirnu konvenciju za zaštitu nacionalnih manjina i Deklaraciju i Akcioni plan za borbu protiv rasizma, ksenofobije, antisemitizma i netolerancije ("Bečka deklaracija") koje je usvojila Svjetska konferencija o ljudskim pravima 1993. godine, Strazburšku deklaraciju o Romima (2010) i Tematski akcioni plan za inkluziju Roma i Nomada¹ od strane Vijeća Evrope;

Uzimajući u obzir član 1. Konvencije Ujedinjenih nacija o eliminaciji svih oblika rasne diskriminacije (CERD), kojom se rasna diskriminacija definiše kao "[...] svako pravljenje razlike, isključivanje, ograničavanje ili davanje prvenstva po osnovu rase, boje kože, naslijeđa ili nacionalnog ili etničkog porijekla koje ima za cilj ili rezultat da ukine ili da kompromitira priznavanje, uživanje ili vršenje, pod jednakim uslovima, prava čovjeka i osnovnih sloboda na političkom, ekonomskom, socijalnom i kulturnom polju ili u svakoj drugoj oblasti javnog života [...]";

Uzimajući u obzir Preporuku o generalnoj politici (2011) br. 13 Evropske komisije protiv rasizma i netolerancije (ECRI) za borbu protiv antidžipsizma i diskriminacije Roma;

Imajući na umu Rezoluciju 333 (2011) Kongresa lokalnih i regionalnih vlasti Vijeća Evrope o inkluziji Roma kao izazova lokalnim i regionalnim vlastima, i Rezoluciju 403 (2016) o položaju Roma i Nomada u kontekstu rastućeg ekstremizma, ksenofobije i izbjegličke krize u Evropi i Finalnu deklaraciju samita gradonačelnika (2011);

Potvrđujući da je antidžipsizam specifičan oblik rasizma;

Imajući na umu da se, u skladu sa ovim međunarodnim dokumentima o ljudskim pravima, ne smije dozvoliti da se političke slobode zloupotrebljavaju radi iskorištavanja, uzrokovanja ili iniciranja predrasuda po osnovu rase, boje kože, etničkog porijekla ili nacionalnosti ili u svrhu pridobijanja podrške biračkog tijela za predrasude po toj osnovi;

Svjestan/svjesna posebnih zadataka i odgovornosti lokalnih i regionalnih vlasti kao aktera u demokratskom političkom procesu, obezbjeđenju platforme za integraciju različitih stavova u proces političkog odlučivanja, a time i omogućavanju društvu da rješava sukobe interesa i mišljenja između različitih socijalnih grupa dijalogom a ne isključivanjem ili sukobom; i odabirom predstavnika različitih nivoa za aktivno učešće u političkom procesu;

¹ Termin „Romi i Nomadi“ se koristi u Vijeću Evrope da obuhvati različite grupe koje u svom radu pokriva Vijeće Evrope u ovoj oblasti: sa jedne strane su to a) Romi, Sinti/Manuši, Hitanosi, Kaale, Romničali, Bojaši/Ludari; b) Balkanski Egipćani (Egipćani i Aškali); c) Istočne grupe (Domi, Lomi i Abdali); a, sa druge strane, grupe poput Nomada, Jeniša, i stanovništvo koje je označeno administrativnim pojmom „*Gens du voyage*“, kao i osobe koje se same predstavljaju kao Cigani.

Uvjeren/a da zastupljenost etničkih manjinskih grupa, posebno Roma i Nomada, u političkom procesu predstavlja sastavni dio demokratskog procesa, jer političke partije jesu, ili trebaju nastojati da budu, odraz društva;

OBAVEZUJEM SE DA ĆU:

- **braniti** ljudska prava i demokratska načela i odbacivati sve oblike diskriminacije, nasilja, uznemiravanja, podsticanja mržnje i govora mržnje protiv Roma i Nomada i svaki drugi oblik antidžipsizma;
- **odbijati** da na bilo koji način prikazujem, objavljujem ili tražim da se objavi, da širim ili podržavam mišljenja i stavove koji izazivaju ili pokreću, ili mogu izazvati ili pokrenuti, neprijateljstvo ili podjelu između osoba različitog etničkog ili nacionalnog porijekla, i da ću čvrsto postupati sa svim osjećanjima ili ponašanjem u vlastitim redovima okrenutim protiv Roma ili Nomada;
- **se uzdržati od** svih oblika političkog udruživanja ili saradnje na svim nivoima sa svim političkim partijama ili lokalnim ili regionalnim vlastima koje podstiču ili nastoje da izazovu rasne ili etničke predrasude i rasnu mržnju;
- **se zalagati za** pravednu zastupljenost Roma i Nomada na svim demokratskim nivoima sa posebnom odgovornošću čelnika lokalne i regionalne vlasti da podstiče i podržava angažman kandidata iz ovih grupa na političkim funkcijama na lokalnom i regionalnom nivou;
- **se dodatno obavezati** da ću poduzimati odgovarajuće mjere da sve osobe koje rade za lokalne i regionalne organe vlasti uvijek budu svjesne i da postupaju u skladu sa gore navedenim načelima.

o o o o o

Općina/regija: _____

Zemlja: _____

Gradonačelnik/izabrani lokalni ili regionalni predstavnik _____

Datum: _____

Potpis: _____

*****Prevod ove deklaracije je omogućen zahvaljujući finansijskoj podršci Vlade Republike Finske.**